

1287, juliol, 10

Berenguer de Gornal, senyor del castell de Vilobí, ven a Arnau de Camps, clergue, i Bernat de Camós, marmessors de Pere de Fontclara, per a l'almoina fundada per aquest, la fàbrega de Vilobí pel preu de 3.400 sous.

ASD núm. 271, perg. orig., 570 x 265 mm.

Sit omnibus notum quod ego Berengarius de Guarnallo, dominus castri de Uilalbino, non inductus ui neque dolo, sed gratis et ex certa sciencia, habita eciam plena deliberacione et inspecta utilitate mea non modica, per me et per omnes heredes et successores· meos uendo et cum hoc presenti publico instrumento omni tempore ualituro liberando trado uobis Arnallo de Campis clericu et Bernarda de Camonibus ciui Gerunde, manumissoribus testamenti Petri de Fonteclaro quondam, ementibus et recipientibus ad opus helemosine quam idem Petrus de Fonteclaro quondam instituit in ecclesia Sancte Marie de Puellis Gerunde et eidem helemosine et successoribus uestris eandem tenentibus per liberum et franchum alodium in perpetuum totam fabricam parrochie Sancti Stephani de Uilalbino cum locido et fructibus et pertinencis suis et melioramentis et augmentis ibidem factis et de cetero faciendis et cum amni proprietate er integritate sua, sic dictam fabricam, prout melius illam habuimus uel tenuimus ego uel antecessores mei, prout melius potest dici et intelligi ad uestrum bonum intellectum et ad comodum dicte elemosine. Uendo et trado uobis et dicte helemosine et successoribus uestris eam tenentibus per liberum et franchum alodium in eternum precio trium milium et quadringentorum solidorum barchinonensium de terna quos a uobis confiteor habuisse et recepisse ad comodum meum, renunciando excepcioni non numerate pecunie. Et si forte amplius ualent uel ualebunt de cetero dicto precio, illud totum tibi(sic) dono donacione irreuocabili inter uiuos, renuncians excepcioni doli et metus et accioni in factum et restitucioni in integrum et illi legi qua deceptis ultra dimidiam iusti precii subuenitur et omni aliis iuri contra hoc in aliquo repugnant. Et ideo predicta de meo et omnium meorum iure, passe et dominio eicio et extraho, eadem in uestrum et dicte helemosine ius, passe et dominium libere transferendo, cedendo et dando uobis stipulantibus et recipientibus nomine dicte helemosine et eidem et successoribus uestris ipsam tenentibus totum ius meum et locum, uoces, raciones et acciones reales et personales, directas, utiles atque mixtas ibi et inde mihi competentes et competituras, omnibus meis et meorum uocibus, iuribus et racionibus inde perpetuo extinctis et penes dictam helemosinam remanentibus et translati. Et constituo me predicta nomine uestro et dicte helemosine possidere uel quasi donec corporalem et uacuam possessionem acceperitis, quam uos et uestri propria uestra auctoritate quandocumque uolueritis possitis accipere et deinde ad opus dicte helemosine perpetuo retinere, ad habendum, tenendum, expletandum et omni tempore possidendum per liberum et franchum alodium, sine omni honore fabarum helemosine de Quadragesima ad quam Petrus de Guarnallo condam pater meus dictam fabricam assignauit, excepto tamen quod ferrarius dicte fabrice in ea accipere consueuit pro seruicio dicte fabrice faciendo et illud predictus ferrarius per uos et successores uestros et prenominatam helemosinam teneat perpetuo de cetero et in eo habeatis directum

dominium, sicut ego et antecessores mei consueuimus habere, sic tamen quod ídem ferrarius per me et meos teneat et non per uos nec per successores uestros mansum suum cum hominibus et personis et pertinenciis suis preter partem suam dicte fabrice, quam teneat per uos et successores uestros semper, et quod ipse non teneatur uobis nec successoribus uestris dare aliquem censum pro dicta fabrica uel alia racione, et excepto etiam et saluo quod nec ego nec successores mei domini castri de Uilalbino teneamus aliquid dare pro locido de terris quas habeamus et teneamus ad propriam reyam, imo dictus ferrarius habeat ad hec nobis locidare et operari sine aliqua re quam inde non teneamus dare et nichil aliud in predictis retineo, promitens per me et omnes successores et heredes meos uobis et successoribus uestris predicta omnia que uobis superius uendidi uobis et successoribus uestris et prenominate helemosine facere habere et tenere in pace per liberum et franchum alodium et esse uobis deffensores et guirentes contra cunctas personas. Uerum, si aliqua persona ibi uobis et successoribus uestris aliquid tetigerit, exigerit, emparauerit, contrariauerit uel forifecerit siue questionem uel demandam contra uos uel uestros successores mouerit siue fecerit, ego et mei ante ingressum litis statim ponemus ante uos et successores uestros, et honus litis promito super me et successores et heredes meos suspicere et totam causam ad effectum ducere a principio usque in finem et exinde uos et successores uestros et prenominatam helemosinam deffendere et indempnes penitus seruare in curia et extra curiam, in placito et extra placitum, et in iudicio et extra iudicium nostris propriis sumptibus et expensis, uel uos et successores uestri, si uolueritis, possitis causam ducere per uos ipsos, uobis tamen super hoc eleccione seruata, remittentes uobis et successoribus uestris ex pacto necessitatem denunciandi. Et si uos uel successores uestri in propria persona causam ducere elegeritis, promito uobis et successoribus uestris restituere omnes missiones et expensas circa litem factas et omnia dampna et interesse que inde sustinueritis, siue obtineatis in causa siue subcumbatis, et quicquid et quantum inde euictum fuerit, et inde credamini simplici uerbo uestro, sine testibus et iuramento. Et pro predictis uobis complendis et de euictione et amni interesse oblico uobis et successoribus uestris et prenominate helemosine me et omnes heredes et successores meos et omnia bona mea mobilia et immobilia presencia et futura ubique. Et si causa ingratitudinis uel aliquo alio iure, excepcione, consuetudine uel occasione aliqua in futurum huic contractui obuiam ire possemus ego uel mei, illis prorsus per me et meos in perpetuum renuncio, iurans ad maiorem cautelam sponte per Deum et sancta .1111.or Euangelia corporaliter tacta hec omnia attendere et complere et contra in aliquo non uenire per me uel per alium aliqua racione.

Actum est hoc .VI. idus iulii ano Domini .MCCLXXX. septimo.

Sig+num Berengarii de Guarnallo predicti, qui hoc firmo, lauda et iuro. Sig(s. man.)num Berengarii de Guarnallo'\\ Testes sunt Bernardus de Scala, Petrus de Sancto Celedonio et Uitalis de Chehanis, ciues Gerunde, et Petrus de Tetzono, miles.

Eg(s. man. )o Bisullunus Burgesii, terrens locum Raimundi de Toyano, publici Gerunde notaria, hec scripsi et clausi, cum suprascripto in .XIX. linea ubi dicitur "meis", et cum

raso et emendato in .XXVI. linea, ubi dicitur "successoribus et uestris", et in .XXVIII. linea, ubi dicitur "et successores", et in .xxx. linea. ubi dicitur "suscipere".

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 567-569